

# Iedere dag BBBeter

**Van Vertrouwenscrisis  
naar Noaberstaat**



**Samenvatting**

**Verkiezingsprogramma**

**2023-2027**



# Iedere dag BBBeter



# Speerpunten Verkeizensprogram BBB

## WONINGBAAUW

- 🏠 Elke bürger n thoes

## IMMIGROATSIE & ASIEL

- 🏠 Asiel en migroatsie, eerlek en t mout kinnen

## AARMOUD BESTRIEDEN

- 🏠 Waarken mout oetkinnen, veur elkenain
- 🏠 As t waarken nait gaat, zörge wie veur die
- 🏠 Goud fersoun, goud penzioun

## ECONOMIE

- 🏠 Tröts op onze bedrieven
- 🏠 Papier- en muntgeld kinnen je overal oetgeven
- 🏠 Belasten betoalen is goud, mor t mout wel eerlek
- 🏠 Ook digitoal: mens centroal

## KLIMOAT

- 🏠 Wel rood staait, kin nait gruin doun

## GEZONDHAIDSZÖRG

- 🏠 Gain zörge om joen zörg!

## LANDBAAUW & VISKERIJ

- 🏠 Toukinnen mit eten oet aigen laand

## DEFENSIE

- 🏠 Midden in wereld, vol doadkracht

## VAAILEGHAIID

- 🏠 Vaailghaid veur elk dörp en elke wiek
- 🏠 Criminaliteit mag nait lonen

## BETRAAUWBOARE OVERHAID

- 🏠 Overhaid is der veur bürgers en nait aansom

# Iedere dag BBBeter



# Woningbauw

## Elke börger n thoes

Waark, inkomsten, wonen, onderwijs, gezondheid, welwezen, noaberschap en leefomgeven binnen TOUGLIEKS belangriek. Baauwen en wonen is n sosioale opgoaf.

BBB het oog veur de persoon dij op zuik is noar n hoes. Doarom mouten wie aans omgoan mit hoezen dij der binnen en willen wie der nogal wat betaalbare hoezen biebaauwen. Minder controle en meer wendbaarheid. BBB holdt wel in de goaten wat wel en nait kin. As overhaid kinnen wie nait allinneg bestellen mor mouten ook ondersteunen en soamenwaarken. Veur woningbauwproduksie binnen der nait allain woningcorporoatsies en gemaintes neudeg mor ook marktpertijen en investeerders.

As der veur alle lu grode belangen binnen, kin der snel vergund worden. Van Europese regelgeven maggen je din ofwieken van milieuregelgeven, denk aan stikstof. BBB wil doar gebruik van moaken. Grode belang is t verminderen van te min hoezen veur elkenain. Stikstofwet mout hailendaal aans: nait stikstof mor t behold van noatuur is t belangriekste (kiek hoofdstuk Laandbauw).

BBB wil t baauwen van nije wonens weer aantrekkelk en beder betaalbaar moaken. Regelgeven veur nije wonens, zoas baauwbesluit en duurzoamheidsaaisen, mouten stillegd worden, haren wie onnaaierd. Zo waiten baauwers, ontwikkeloars én kopers woar zai aan tou binnen. Wie zetten extra in op verduurzoamen van bestoande hoezen. Wie willen helpen(ook mit geld) mor zunder drang of dwang.

Wie blieven inzetten op zoveel meuglielik woningbauw op lege en beschikbare plekken binnen bestoande dörpen en steden. Om verlet om wonens wereld oet te kriegen zel der flink wat doulmoateger baauwd worden mouten. BBB wil ondermeer inzetten op meer innovoatsie en febrieksmoatege woningbauw.

Leste joaren het der veul aandacht west veur t baauwen in steden. Allewel baauw in grode steden belangriek blift, ist oneerlek veur aander lu, dij n hoes zuiken, om heur nait te helpen. Veul jongelu willen ja in heur aigen dörp wonen blieven en de veule klainere baauwprojecten veur de dörpen tellen bienander flink mit! Wie willen dat ter belaid is om te baauwen in dörpen én in steden.

Onze woningmarkt kin druk nait meer aan. Wie ontkommen der nait aan om te kieken noar vroeg om wonens. Druk vanoet statusholders, dij n wonen touwezen kriegen, aarbaidsmigranten, dij n hoes kriegen oet de reguliere veurroad en ook vroeg van expats en boetenlandse studenten wordt al moar groder. Dit drukt aander Nederlandse börgers opzied dij al joaren op wachtliet stoan. BBB kaist derveur om heur nou extra aandacht te geven en woningmarkt eerst weer in evenwicht te brengen.

# Iedere dag BBBeter



# Immigroatsie & Asiel

## Asiel en migroatsie, eerlek en te doun

BBB het mensenrechten hoog. Mensen die echt op vlucht binnen veur oorlogen of bie wel t leven van heur en/of heur gezin op t spel staait en die dat aantonen kinnen, mouten holpen worden. Asielcrisis is nou n swoare last worden en wie mouten dat deur n quotum intomen. Statusholders die in Nederland n thoes vonden hebben , helpen wie dat zai der gaauw tussenkommen. BBB moakt doar waark van.

Al tientallen joaren wordt perbaaiert om de grode instromen onder controle te kriegen. Iederbod mishottjet dat. Aal mor deur worden der migroatsierecords broken en op Troapel sluipen minsen boeten, In meerdere dörpen van ons laand werden minsen terroriseerd deur lu die oet vaailege landen kwammen. Dit mout aans, vindt BBB. BBB wil asielinstroom krachtig verklainen, hoezen weer eerlek verdailen en asielprocedures aan boetengrensen van EU deurlopen loaten. Hierveur goan we bie de Eu ook haard mit voest op toavel sloan.

n Europese aanmeldboalie om asiel te vroagen veurkomt minsenhandel. Eu kin ook aanmeldcentra in regio inrichten mit die gevolgen dat asielzuikers doar terecht kinnen en procedure doar ook ofhandeld wordt, zoas bievoorbeeld in Tanzania, Malawi, Namibië of Senegal. Nou trekken aasielzuikers deur Sahara en zo blieden mensenhandeloaren der aan verdainen.

Asiel is allinneg meugelk veur lu die aan veurwaarden van Conventsie van Geneve voldoun. Dit wil zeggen: vervolgen om politieke en religieuze gronden. Nait om armoude, ontheemden, enz. want doarveur is der opvang in de regio.

De demograafische druk oet Oafrikoa blijft mor groder worden. Der binnen nou 1,2 miljard minsen en in 2050 reken ze op 2,4 miljard en in 2100 op goud 4 miljard. Der is dus verlet om Oafrikoa-belaaid! Hail belangriek is hier dat ter genog eten is veur elkenain. Dat kin allinneg mit n intensievere landbaauw en veeteelt as der op t heden is. Nigeria het nou goud 200 miljoun inwoners. Dat gaat noar 600 miljoun tou in 2100. Mit extensief bokken holden komst ter nait. Extensief is: noar verholden veul laand veur nait al te veul bokken. t Mout technologisch aans aanpakt worden: wie hebben de kennis doarveur om Oafrikoanse landen te helpen.

Onze woningmarkt, zörg en aander instellens kinnen druk nait meer aan. Wie mouten daarom ook kieken noar mensen die bie heur kommen. Statusholders die n wonen kriegen, aarbaidsmigranten die n hoes kriegen van ons veurroad en ook expats en boetenlandse studenten hebben verlet om n hoes. Vraag wordt aal groder. Zo kommen aander Nederlandse börgers, die al joaren op wachtliet stoan, nait meer aan bod. BBB kaist derveur om heur nou extrao aandacht te geven en woningmarkt eerst weer in evenwicht te brengen. Dat holdt in dat wie migroatsiedruk vermindern willen, mor wie hebben wel deur dat t nait makkelk is!

# Iedere dag BBBeter





# Aarmoudbestrieden

## Waarken mout oetkinnen, veur elkenain As t waarken nait gaat, zörge wie veur die Goud fersoun, goud penzioun

De flinke weerdevermindern van ons geld en t al duurder worden van kosten veur ons levensonderhoud en energiepriezen zörge derveur dat meer as n miljoun börgers onder aarmoudegrins kommen. BBB staat veur t beschaarmen van koopkracht en aarmoudebestrieden; Wie loaten gainain achter. Belastens worden op t heden deur overhaid nait allinneg bruukt om waarkzaamheden oet te voeren, mor ook om t gedrag van börgers en soamenleven te sturen. Dat slagt zulfs zo wied deur dat onderwaarpen as vleest-ax en sukkertax aingoaal weer ter sproake kommen.

Waark is ain van fonnementen van onze soamenleven. Deur te waarken krigst dien geld, verslag mit aander lu en ook voldounen. Doe dragst bie aan soamenleven en deur wast leerst kinst die meer ontwikkelen. Elkenain krigt kansen en meuglekheden, mor wie besevven ook dat nait elkenain waarken kın of evenveul waarken mag. Wie hebben gelieke veul waardenen veur lu dij praktisch waark doun as veur lu dij meer theoretisch bezeg binnen.

Oflopen joaren is onze kiek op waarken hail aans worden. Zo wisseln wie voaker van waarkgever en ook goan wie voaker hail aander waark doun. Sunt covid ist veur summege soorten waark hail gewoon worden om t gedailtelk online te doun. Wereld woarop wie waarken is aans worden mit dij gevolgen dat der nije afferen kommen en olle afferen verswinden. Deur tounemende vergriezen van soamenleven wordt t verlet om waarkvolk aal groder. t Is in summege sectoren hail stoer om aan genog kwalifiseerd personeel te kommen. Dit komt mit deur n tekört aan waarkvolk dij goud in praktiek is.

Betoald waark is nait allinneg belangriek. Wie willen dat elk soort waark dij biedragt aan ons soamenleven belangriek is. Doarom willen wie dat mensen dij zok inzetten veur moatschappij, bieveurbeeld as mantel-zörger, vrijwilliger of mit t opvouden van kinder, even hoog acht worden as lu mit n betoalde boan. Sums zit t gewoon tegen. Mocht dien waarkende leven aans worden deur omstandegheden din krigst hulp. Lukt nait meer mit dien waark nou? Din goan wie op zuik noar wast nog wel kist. En as t waark hailendal nait meer gaat, zörge wie goud veur die.

Wie draaien invoeren van nije Penziounwet terug. Apaarte penziounstysteem veur Politieke Ambtsdroagers (Appa) wordt ofschaft. Politieke Ambtsdroagers worden onderdail van t zulfde penziounstysteem as aander Nederlanders. Penzioungerechtigden en penzioundailnemers kriegen wat te zeggen over keus van penziounfondsen bie t beleggen. Wel nait n leger penzioun wil riskaaiern mout kaizen kinnen veur beleggen mit oog op rendement en nait op bieveurbeeld duurzaamhaid.

Iedere dag  
**BBBeter**



# Economie

## Tröts op onze bedrijven

## Papier- en muntgeld kinnen ie overal oetgeven Belasten betoalen is goud, mor t mout wel eerlek Ook digitaal: mens centraal

n Staarke economie is n economie dij oetgaait van aigen kracht. Wie binnen wies mit wat wie zulf as Nederlanders hebben. Wie zetten in op zoaken waar wie goud in binnen en ondersteunen sectoren woarmit wie veuraan lopen in wereld. n Staarke, hoogweerdege economie is ook neudeg om sosiaal, cultureel en technologisch bie tied te blieden en om wieder ontwikkeln betoalbaar te holden. n Staarke economie zörgt veur waarkgelegenhaid en inkomsten veur overhaid.

Dit geldt apmoal ook veur ons eten-en-dinken-sector en moakindustrie in ons laand. Plekken waar honderd-doezenden minsen haard aan t waark binnen om kost te verdainen, doulmoategheid en innovoatsie aan te joagen, invoeren en oetvoeren en zörgen veur dij zoaken doar wie aal doagen verlet om hebben. Nederland voerde doar te laank n slecht en n wisselnd belaid . wie willen stoppen mit regels op regels en meer roemte geven veur ondernemerschap , innovoatsie en vergruinen.

Ondernemen gebeurt bie bedrijven: van multinationals, grode ondernemens, familiebedrijven, MKB-ers tot ZZP-ers. MKB en familiebedrijven speulen n belangrieke rol in t scheppen en t behold van ons welvoart. Dizze ondernemens binnen verantwoordelk veur zo om en bie 70 % van boanen in Nederland. BBB is van mainen dat overhaid der in heur belaid reken mit holden mout dat dizze ondernemers nait votlopen.

Veul minsen en bedrijven betoalen mit pin en aander digitoale meugelkheden. Mor der blieden minsen en bedrijven dij laiver kontant betoalen. Banken binnen n belangrieke partner in t bestrieden van finansiële misdoaden zoas ondermienen. Banken mouten heur wettelke plichten, dij biedroagen aan t vermindern van kriminaliteit en t verhogen van vaailghaid noakommen.

De slim grode weerdevermindern van ons geld en ook nog t aal mor duurder worden van ons levensonderhold en energiepriezen zörgen derveur dat meer din n miljoun börgers onder aarmoudegrins kommen. BBB stait veur beschaarmen van koopkracht en t bestrieden van aarmoude; Wie loaten gainain achter. Belastens worden op t heden deur overhaid nait allinneg bruukt om waarkzaamheden oet te voeren mor ook om t gedrag van börgers en soamenleven te sturen. Dat slagt zulfz zo wied deur dat onderwaarpen as vleestax en sukkertax aingoaal weer aan bod kommen.

n Hail nij Ministerie van Digitaliseren mout zok bezeg holden mit n nije landelke aanpak van digitaliseren. Ook t bie elkoar brengen van alle nije digitoale innovoatsie heurt derbie. t Ministerie mout de juuste regels handhoaven veur goie regelgeven en belaidsmoatregels, van dij gevolgen dat börgers, bedrijven en infrastructuur beschaarmd worden. t Is van allergrootste belang dat overhaid n veurnoame rol het in t sturen en vörmgeven van digitoale transformoatsie (=omstellen noar digitaliseren). t Veurnoamste is dat de mins centraal blift en om brug tussen börger en overhaid veul staarker te moaken.

# Iedere dag BBBeter



# Klimaat

## Wel rood staat, kin nait gruin doun

Mit aal meer mensen op wereld en mit aal meer economische bedrievghaid ist klimaat aal meer onder druk kommen te stoan. Allewel klimaat al van t ontstoan van eerde oet zokzulf veraandern dee, het mensdom zekerwoar der invlound op. Hou groot dij invlound is doar binnen minsen en onderzuiken t nait mitnander ains. Vanoet rentmeesterschap streeft BBB noar n soamenleven dij ons invlound op t klimaat vermindert, veur zo wied en woar wie der wat aan doun kinnen.

Grootste invlound op t klimaat lieken wie te hebben deur ons gebruik van energiebronnen. n Oetdoagen omreden ons leven zo worden is dat wie slim ofhankelk binnen van externe energiebronnen.

Klimaat is t gehail van weersomstandegheden (zoas temperatuur, wind en neerslag) dij gedurende n bepoalde tied aigenhaid geven aan landen of n landstreek. Dit is dus oetgebraider as allinneg CO<sub>2</sub>-konsentroatzie (0,03 %) in onze atmosfeer. Veuraalsnog ligt noadruk op t vermindern van CO<sub>2</sub>. t Is van wezenliek belang dat bevolken der achter staat en dat ze mitdoun willen. Allinneg mitnander begunnen wie aan n veraandern en zel t goud oetpakken. t Nemen van besluten mout helder wezen en lusten en lasten eerlek verdaild. Zo kin t lukken dat volk mitdoun wil.

Wie wegen alle belangen mit en kieken noar t grode gehail. Wereldwied dragt Nederland mor 3,4 % bie aan t oetsteuten van CO<sub>2</sub>. Onze CO<sub>2</sub>-voutofdruk per inwoner is al veul minder as menneg aander (westers) laand. Energietransietsie speult n belangrieke rol bie t behoalen van CO<sub>2</sub>- doulstellens.

Energietransietsie vragt om n Deltaplan. Nije soorten van bedrievghaid mouten opbaauwd worden in tied dat aander waarkzaamheden om- of ofbaauwd worden. Dit veraanderperses kost bedrieven handevol geld mit dij gevolgen dat priezen omhoog goan en börgers doarveur opdraaien. Börgers mouten dizze lastenverzwoaren wel opbrengen kinnen. Doarom zetten wie in op n rechtveerdege verdailen van kosten dij soamengoan mit klimaatmoatregels.

Veur t klimaat en t énde van t gebruik van fossiele brandstoffen ist dus belangriek dat wie transietsie (=overgang) noar duurzoame energie moaken. Tiedens dizze overgang zellen wie gain fossiele energiebronnen oetschoakeln zolaank der nog gain betoalboare duurzoame vervangen veur is.

Overhaid is verantwoordelk veur n goie infrastructuur, zoas n elektriziteitsnet woar dizze aanbaiders en ofnemers van energie gebruik van moaken kinnen. Dit betaikent dat wie zowel veul investeren mouten in t elektiziteitsnet as dat wie slimmer omgoan mouten mit netwaark om overbelasten te veurkommen.

BBB streeft noar n soamenleven dij betoalboare duurzoame energie gebruiken kin want: wel rood staat, kin nait gruin doun.

# Iedere dag BBBeter



# Gezondheidszörg

## Gain zörgen om joen zörg!

t Is twij veur twaalf in zörg. Zörgstelsel is inmiddels zo goud as vastlopen. Maarktwaarken in zörg het opleverd dat zörgbehandeln op zokzulm goudkoper worden binnen. Noa t invoeren van maarktwaarken binnen wie evenwel meer zörg bruken goan .Oflopen joaren binnen zörgverzekeroars op n bult kommen. Zörginstellens binnen bedrieven worden. Bie bedrieven heuren aanbestedensveurwoarden, protocollen en aander administratieve verplichtens. Dit moakt ter nait goudkoper op mit dij gevolgen dat wie t nou nog mor zuneg betoalen kinnen.

Der waarken zo stoareg aan hail veul minsen AAN de zörg en nait meer IN de zörg. Doarbie kin der technisch veul meer en binnen der aal meer dure medesienen kommen dij lang nait altied helpen. Deur n tekört aan personeel ontstoan der aal meer mankementen in zörgverlenen.

BBB staat veur n zörgsysteem waarbie elkenain welkom is en de neudege zörg krigt. Inkommen of omstandegheden doun der nait tou. Ons doul is n zörgsysteem waarin wie omkieken noar elkoar, mit respect en hoogachten veur elk persoon.

Wie kieken der zo tegenaan dat mins (en nait verzekeroar) in aal zien biezunderhaid sentroal staat: pesjint én zörggever. Gain mins is ja glik. Wie geloven in zelfstandeghaid van zörggevers en hebben vertrauwen dat zai der veul verstand van hebben wat beste is veur pesjint. Wie streven noar n minsgerichte benoadern mit zo min meuglek papierwaark om pesjinten zo goud ast kin te helpen. Protocollen kinnen derbie helpen mor maggen t gesprek over goie zörg nait onder t mous stoppen.

BBB wil din ook dat ter rigouereus schrappt wordt in allerhande burocroatische systemen dij derveur zörgd hebben dat n verpleegkundege om en bie 40% van heur tied kwiet is aan papier en wat ain van belangriekste oorzoaken is dat waarknemers zörg achter zok loaten. Wie willen dat waarken IN de zörg belangrieker wordt as waarken AAN de zörg.

n Dail van onze moatregels levert geld op, mor n aander dail kost op körde termien meer geld. Toch zellen wie kommende 4 joar geld steken mouten in gezondheidszörg en preventsie om in toukomst juist kosten te bespoaren. Dat is gezond verstand.

BBB wil waarken aan t verbeterern van gezondheidszörg en dat goan we doun volgens vaaier punten:

1. Basiszörg mout dichtbie beschikbaar wezen veur elkenain
2. Regie op zörg komt te liggen bie zörggevers en nait bie lu dij t belaid moaken of zörgverzekeroars
3. t Mout weer aantrekkelk worden om in zörg te waarken
4. Gezonde menaaierven leven en sporten veur elkenain.

Pandemienien zoas coronacrisis hebben grode gevolgen veur ons soamenleven. BBB viendt belangriek dat wie leren van aanpak van coronacrisis zodat wie bie n nije crisis nait weer dezulfde fouten moaken.

# Iedere dag BBBeter





# Landbaauw & Viskerij

## Toukinnen mit eten oet aigen laand

Genog eten hebben is veur veul landen in wereld elke dag vannijs n zörg. Wie in Nederland hebben luxe kombinoatsie van n gemoategd zeeklimoat en n vruchtboare delta. Wie binnen doarmit ain van geschiktste streken op wereld om eten te verbauwen. Doarom hebben wie n verantwoordelkhaid tot over ons grinzen hin. Mit dij gevolgen dat Nederland internoatsionaal hoog in reken is en ons landbaauw- en viskerij van groot belang. BBB viendt n staarke landbaauw en viskerij belangriek. Veur genog eten en boanen, mor ook veur leefboarhaid van t platteland en kustgemeenschappen.

BBB viendt t belangriek dat Nederland zat voldoun kin aan aigen verlet om eten, zodat eten ook in toukomst betoalbaar en beschikbaar blift. Wie voeren veul kennis, vernijen en produkten oet en kinnen op dij menaier meerweerde levern. Touglieks voeren wie landbaauwprodukten en eetwoar oet, dij hier nait altied wegkommen. As handelsnoatsie zellen wie deur in- en oetvoer gain verlet hebben om eten en drinken. Wie nait, moar ook laanden stoef bie ons nait en wie hebben doarbie veul aandacht veur t welbevinden van daaier en t miljeu.

Dit is reden dat wie willen dat zekerhaid van genog eten en leefboarhaid van belang wordt as wie roemte aans bruken goan. Nou waarken 600.000 minsen in Nederlandse landbaauw . Dit holdt in dat ter 12 gezinnen per boer/teler/toentjeder, regelrecht of ziedelinks doarvan economisch ofhankelk binnen . Wie zain dat n leefbaar platteland draait om onze boeren, telers, toentjeders en viskerlu. Dit omreden zai zörgen veur noatuur, waark, aktief binnen in t verainensleven of heur laand beschikbaar stellen veur dörpsfeesten. Zunder dizze minsen hebben wie gain kerakteristiek landschop, blommencorso, viskerijdoagen of trekkertrek meer.

Dit betaikent ook dat Nederlandse landschop mit minsenhanden onderhouden heurt te worden. BBB zugt belang in van t verstaarken van biodiversiteit ast mor aits meuglielik is. (biodiversiteit = verschaaiden soorten planten en daaier) Dit doun we nait deur nije natuurstreken aan te leggen mor deur t beheren van flora en fauna in juuste aantallen. Dit betaikent ook sums dat er gain stee is veur n bepalde soort. Wie moaken biodiversiteit ook groder deur edukoatsie, vergruinen van omgeven en beheer van de jacht. Biodiversiteit is nait allinneg n zoak van natuurbeheerders en landbaauwers. t Is n zoak veur elk dij verantwoordlek is veur n dail van boetenroemte, dus ook in wiken, steden en dörpen.

BBB wil ook noam "viskerij" weerom in t ministerie van LNV. Dit wordt dus ministerie van Landbaauw, Noaturbelaaid, Viskerij en Voedselkwaliteit mit ain minister as boas. Der komt, wat BBB aanbelangt, gain apaarde minister meer veur Stikstof en Noatuur. Dit heurt bie minister van LNVV. BBB wil dat wie overstappen van Stikstofbelaaid naar Noaturbelaaid. Tegenwoordege Stikstofwet mout vot en wie richten ons mit n braide blik op

behold van noatuur en herstel van noatuur woar dat neudeg is. Lockdown van agrarische ondernemers, infrastructurele projecten(o.a. aanleg van wegen) en baauw, dij Nederland zokzulm oplegd het deur wurgende stikstofregels, doar mout zo vlug meuglek n ho aan kommen. Ministerie van LNVV richt zok op behold van alle eleminten van t landschop en zörgt derveur dat over 50 joar nog aal eerappels, gruintes, vlees of vis op dien bord liggen.

**Iedere dag  
BBBeter**



# Defensie

## Midden in wereld, vol doadkracht

In tiental jaren hebben we in duurzame vrede en vaaligheid geleefd. We hebben zo t rekent vredesaandail van t eind van Kolle Oorlog binnenhoald. Hail veel van ons binnen opgruid in n laand van nait veel grode zörge. Oorlog was wat veur videospultjes en films. Allewel t echte leven nou zain let dat vaaligheid en demokroatsie der nait vanzult binnen. Ie kriegen t nait vergees of automoatisch.

Inval van Oekraïne het duudlek moakt hou belangriek n bekwoame kriegsmacht is veur onze vaaligheid. Wie zellen in toukomst derveur instoan willen om Nederlandse en/of Westerse kernweerden en/of landstroken vaalig te stellen en te verdedegen. Dit doun we soamen mit aandern, aldereerst binnen NAVO en EU, mor wie woaren ons der ook nait veur om zult te begunnen mit verdedegen van Nederland. Dit leste vragt, noast soamenwaarken mit NAVO-partners, om n goud deurdochte investeren in autonomie en slagkracht van kriegsmacht.

BBB is van mainen dat wie in Nederland n robuuste defensieorganisoatsie hebben mouten dij zultstandeg mor ook in NAVO- verband van belang is. Doarbie mout ter voldounde geld verschaft worden ,goud deurdocht en veurspelbaar veur laange termien. n Defensieorganisoatsie is noamelk n organisoatsie van laange oadem. Defensie mout nij talent op bestoande aarbaidsmarkt weghoalen kinnen. Vanoet dit oogpunt vinden wie t belangriek dat kriegsmacht meer zichtbaar is in t laand.

Oflopen 25 jaar is der over haile brette flink kört op kriegsmacht. Krimp van defensie-organisoatsie het ter tou laaid dat alles bienander kwam en t nait zo zichtbaar meer was. Nou we weer investeren, kinnen we regioale zichtbaarheid weer invoeren. Deur in regio tou te holden kin kriegsmacht brlangriek worden in regio wat rampenbestrieden en binnenlandse vaaligheid aanbelangt. BBB leuft in n krachteg profesioneel leger,dij wereldwied inzetbaar is. Touglieks is der roemte veur n oetgebraaide en omvangriek Natsionale Reserve: om Nederland te verdedegen, veur rampenbestrieden en as brugfunctie tussen soamenleven en kriegsmacht.

Cyber ist nije slagveld ast op verdedegen van t laand aankomt. Aal meer vörmen van oorlog gebeuren "onzichtbaar" of "in de cloud". Aal meer en meer zellen boetenlandse hackers perbaaiern om zaikenhoezen, overhaidsdainsten, finansiële instellens,schoulen of militaire installoatsies te verinnewaaiern. Wie mouten beraaidwilleg wezen om te investeren in technologie en artificial intelligence (kunstmoatege intelligentsie) om d'onzichtbare kracht staarker te moaken en dat wie opkinnen tegen onzichtbare draaigen.

BBB is tröts op onze defensie- en vaalighaidsindustrie en helpt ze woar t aits kin om zo belangen van onze natsionale vaaligheid zo veel meuglek te beschaarmen en doardeur Nederlandse bedrijfsleven goie kaansen te geven.

Veteroanen verdainen achten, ontzag en neudege zörg van elkenain. Mit invoeren van Veteroanenwet en Veteroanenbesluit binnen eerst stappen zet om veur achten, ontzag en zörg in te stoan.

**Iedere dag  
BBBeter**



# Vaileghaid

## Vaileghaid veur elk dörp en elke wiek Criminaliteit mag nait lonen

n Leefboar Nederland vrägt om n vailege rechtsstoat. Rechtsorde mout börgers zekerhaid geven van n eerleke behandeln en van n rechtspraak dij goud waarkt. Ook van n overhaid dij börgers beschaamt tegen vandalisme, criminaliteit en ondermienen. Börger verwacht n polietsieorganisatsioon dij betrokken is bie gemainschop en dij goud waark levert. Börger verwacht ook n woakzaam Openboar Ministerie dij waark moakt van opsporen en vervolgen van lu en bedrieven dij zok niks van rechtsorde aantrekken.

Inmiddels het Nederland zoveul wetten en regels dat ons laand aan t vastlopen is. Waarkende bevolken is nait groot genug om dizzent apmoal noa te leven en te handhoaven. Nou ist zo wied dat aal meer lu bezeg binnen mit controle en dat nog wel nou der te min volk is t veur t waark. t Oetgangspunt dat börger wet heurt te kinnen, is zo stoareg aan onzinneg worden. Rechters kinnen t veule waark nait meer aan. Der mot hail streng schrappt worden in wetten en regels en as waarknemers derzulf nait oetkommen mout minister knoop deurhakken. Oflopen joaren is bleken dat dit neudeg is.

Vaileghaidsdainsten en polietsie binnen spezioal machtegd om in rechtstoat op te sporen en te handhoaven. BBB is van mainen dat ter meer investeed worden kin om polietsie en vaileghaidsdainsten dichter bie börger te brengen. Dat vrägt meer regionoale inzet. Soamenleven is leste joaren haarder worden en woar lu in uniförm börger beschaarmen, mag rechtsorde nou dainsten mit lu in uniförm beder beschaarmen. Dizze beschaarmen mout in n wet vastlegd worden, mor ook op persoonlek vlak verdainen uniförm dainsten meer aandacht en steun.

Brandweer is n belangriek onderdail van de vaileghaidsoorganisatsioon en dat kinnen wie allinneg betoalen wanneer wie vrijwillegers bruken goan. Deur energietransiatsioon hebben wie in Nederland te doun mit meer elektra, accu's en opkomst van woaterstof. Rol van brandweer wordt dus belangrieker, zowel bie t veurberaaiden van baauwplannen as bie t bestrieden van rampen. Zeker in dörpen en streken hebben veul vbrandweerkorpsen noast heur toaken omtrent vaileghaid ook sosioale toaken veur heur gemainschop. Dizze betrokkenhaid bie soamenleven willen wie staarker moaken.

Ons soamenleven wordt aal meer en meer verswakt vanoet drugscriminaliteit. t Onvoldounde bestrieden van haarddrugsgebruuk in steden zörgt veur criminele drugsnetwaarken op t platteland. Wie stoan veur n haarde aanpak van georganiseerde drugscriminaliteit om ons soamenleven vaileger te moaken en criminele netwaarken te bestrieden. t Gevoar van ondermienen, onderwereld dij bovenwereld overnimt, vrägt om forse ingrepen. Nederland zel gain narcostoat worden.

Strafmoat is aan ain kaant van belang in t ofschrikken van criminaliteit en aan aander kaant om soamenleven te beschaarmen tegen lu dij t mit wet en recht nait zo naauw nemen. Wat BBB aanbelangt, moaken wie hier en doar strafmoat hoger. Dit mit bedoulen om meer recht te doun aan richtlienen in ons soamenleven.

# Iedere dag BBBeter



# Betrauwbare overheid

## Overheid is der veur börgers en nait aansom

Of t landsbestuur t goud dut is slim ofhankelk van t betrauwen dat börgers in dat bestuur hebben. Wie worden hier mooi oetdoagd mitnander. BBB het n veurkeur veur n doulmoatege overheid dij zok richt op heur veurnoamste toaken en tougeft dat soamenleven nait moakboar is. Overheid is der veur börgers en nait aansom.

Overheid is van ons apmoal en t vertrauwen in overheid wordt staark beïnvloed mit hou wie ons herkennen in overheid. Om elkoar te begriepen, is zulfde toal onmisboar en mouten wie ook wat op elkoar lieken. BBB viendt belangriek dat elk n ploats bie overheid innemen kin mit dij gevolgen dat elk zok ook herkent in overheid.

n Leefboare soamenleven moakt n overheid nait allinneg. Dij wordt moakt deur minsen dij derin wonen, overheid is bloots regisseur. Om dij rol goud in te vullen kinnen, mouten minsen in steden, regio's, dörpen en kernen betrokken worden in veurberaaiden en oetvoeren van belaaid. Wat BBB aanbelangt minder centroal en meer regionaal en dicht bie minsen. Ook vanoet regio mout meuglek wezen om te begunnen mit wetgeven of om t veur te stellen.

BBB maint dat overheid demokroatsie staarker moaken mout deur t vergroten en verdaipen van inspraak van börgers in heur aigen omgeven. Demokroatsie is nait allinneg stimmen, mor ook der tou doun deur bievuebeeldkent proaten over wat je mitmoaken en t geven van goie road. Demokroatsie vragt om open besluten en dus n open overheid.

Goud bestuur betaikent ook evenwichtig bestuur en n evenwichtege inzet van geldmiddeln. Oflopen joaren is der in paardie regio's hail veul investeed en in aander regio's n hail klain beetje. BBB plaait derveur om dit belaaid te veranderen mit dij gevolgen dat elke regio weer mittelt. Doarbie het overheid oog veur laankjoarege soamenwaarken omtrent agenda's tussen Riek en regio en nimit zai hindernizzen in grins-regio's vot.

Wie leven in n rechtstoat mit n constitutionele monarchie (=keunenkriek mit grondwet) en parlementaire democratie (t haile volk het invlound op regeren). Beschaarmen van grondrechten is n fonnement van onze soamenleven en vörmt grondslag veur rectorde. BBB wil meer aandacht veur t börgeren van dizze grondrechten en t goud tot zien recht kommen van de rechtsorde. BBB wil meer respekt veur schaaiden van wetgevende, oetvoerende en rechtsprekende macht. t Goud tot zien recht kommen van Eerste Koamer en Twijde Koamer is n veurwoarde veur n goud waarkende overheid en n betrauwboare oetvoeren van rechtsorde. BBB wil verbinden tussen börgeren en parlement verbedern en kontrolerende rol van Twijde Koamer en Eerste Koamer staarker moaken.

BBB kaist duudlek veur soamenleven. Nederland bestaat nait allinneg oet ainlingen en de stoat, mor ook oet gemainschoppen en n leventeg middenveld.

# Iedere dag BBBeter



**BOERBURGERBEWEGING.NL**